

永和縣志卷之十一

寺觀

粵自華嚴東渡紫氣西來黃冠道流燒鉛煉汞  
緇衣佛子持鉢募緣以致愚婦愚夫捨金佈宅  
徒令無家無籍飽食煖衣盖謂天下寺觀一大  
養濟院也惟永邑不然總因地瘠民貧悉鮮是  
輩間有琳宮梵宇半屬傾頽無僧道者釋老原  
歸寂滅有僧道者衣食仍事農桑廢之不可存  
之為僻邑之愚夫婦瞻仰而已作寺觀志

永和縣志

卷之十一

寺觀

一

興化寺

在治西南隅仙芝坊金明昌五年建明洪武間置僧會司並朝陽丈八佛二寺入焉

普照寺

在縣南五十里今交口無僧

朝陽寺

在縣北十五里有牡丹盛茂足堪咏賞

龍巖寺

在縣南九十里宋勅建

香巖寺

在縣北七十里今羅漢洞無僧

望海寺

在縣西六十里今丈八佛寺

大雲寺

在縣東南四十里今無僧

吉祥寺

在縣東北四十里今無僧

烏龍寺

在縣西南四十五里今閣山

保安寺

在縣東三十里無僧

鳳仙庵

在縣南七十里無尼

準提庵

在縣南五十里暑益村

龍王廟

閭邑村庄俱有不及備載

白衣庵

在縣治南隅

觀音堂

在縣治南隅

二郎廟

在縣治西隅圮塔廢

赤口庵

在縣治三十里西峪溝武士豪建

后土祠

在縣治西隅圮塔即聖母祠

永和縣志

卷之十一

寺觀

二

以上諸寺觀饗賽進香隨俗因時不贅